



QVÆSTIO MEDICA

QUODLIBETARIIS DISPUTATIONIBUS
manè discutienda in Scholis Medicorum
die Jovis 26. Januarij.

M. ANDREA ENGUEHARD, Doctore
Medico, Præside.

An à sanguinis motu vita?

I.

VIX explicatio est vitæ quàm Animæ cognitio: hæc velut illius principium audit, illa velut hujus præsentia ex sese nunquam otiosa, verum semper negotiosa tot functionibus vitæ indicibus, quæ ideo vitales omnes, quamvis non omnes appellentur vitales. Aliæ autem tribuuntur Animæ, aliæ Corpori. Neutræ tamen sine mutuo utriusque commercio exercentur tum principes cum ministræ, neutræ pereunt nisi corporis vitio. Harum omnium integritate Medici sanitatem æstimant: molles verò & voluptarij homines unâ sanitate vitam, cujus quotidiana & obvia passim initur cum adversâ æque ac prosperâ valetudine societas, modò lætior, modò tristior, infeliciores, beatioreve pro variâ agendi ratione, ad quam Natura incredibili tot organorum apparatu humanum Corpus instruxit: seu intellectiōis sacra obtinenda sint, seu sensuum motûsque munera, seu multiplex nutritionis provincia sustinenda. In hæc potissimum vitalis fundus situs est & ita colitur, ut exinde cæterarum functionum seges efflorescat eo perfusa humore, quo movente vivimus, cessante vivere definimus.

II.

NON una est rerum causa, causarum tamen ea faciliè princeps, quæ in omni Naturæ instituto artificis vel instrumenti nomine cognoscitur quasi rei cuiusque effectrix, sine ullo interposito interjectuque alieno: Hanc enim operis productio statim sequitur, non secus ac solet aëris illustratio Solem, caloris perceptio ignem. Cuicumque igitur vita fuerit aut lux, aut flamma: is verò si illud noverit à quo utriusvis aura diffunditur: noverit profectò, & in corpore tenuerit proximum vitæ functionumque authorem Animæ ministrum, cuius actio quamlibet corporis partem ad varium munus intendet, tarditas & interceptio remittet: quemadmodum calor agilitatem membris conferre suevit, inertiam pigritiamque frigus humanæ vitæ non minùs insensum, quàm morti familiare & amicum. Quamobrem nemò dubitabit quin humor vitalium operum effector, suavi quâdam mobilitate caleat, in omnem corporis regionem delaturus suum cuique functioni præsidium. Quod uni sanguini debebitur, intra tot viscerum officinas, vasorum diverticula, & cribra maximè repurgato; ut faciliùs pervadat delicatissimam singularum partium texturam, & omni ad agendum succopellestile adornet.

III.

SANGUINEM utilissimum vasorum humorem singulis hominis functionibus certius destinabis, quàm suis partibus describis. Alij bilioso, melancholico, pituitosoque succo, eum olim miscuerunt & seroso: nunc etiam alij salivario, pancreatico, lymphatico, necnon & chylo diluunt aut inquinant: magnâ quidem humorum varietate, & opinionum dissensione, ab eo forte componendâ, vel conciliandâ, qui calidam laudabilis sanguinis portionem à frigidiore, tenuem à crassiori distinxerit non in venis modò arteriisve, sed etiam in nervis. Porro vitalem hunc succum, ex aliis per alia vasa circuire, vetus non est: in corpore deinde moveri quoque versum, tam vetus est, quàm eundem à jecore, vel à corde, ad singulas partes transmitti, ac fluere feri vehiculo, spirituum remigio à tenuissimo sanguine vix dissidentium, viscerum impulsu, aut nervulorum nisu tunicas vasorum ita constringentium, ut quamvis omnis voluntarius motus ex nervis pendeat, non tamen omnis per nervos motus, voluntarius esse videretur. Quorsum verò tot contentionum procellas, aut metuam aut experiar, qui in vadosum, tam securus de sanguinis quam de caloris nativi motu, quo incipiente incipit vitalium exercitatio facultatum, desinente conquiescit.

IV.

CALIDUM nativum etiam lippis notissimum, velut alterum ab Animâ functionum principium, seu insitum à semine, seu influens à corde, utrumque pariter nonne originem cepit à sanguine? Qui punctim saliens in ovo non patitur, vel ineuntis vitæ triduum ab incubationum curiosis ignorari. Similiter suâ tenuitate sanguis sementem in utero explicat, contrahit, ducit, diducitque: atque eodem motu partes animat formatque, quo cietur. Nil igitur mirum si ad eundem in homine nato conservandum tantopere conspirat humanæ respirationis machina, vitæ custos præcipua, quæ iterato diaphragmatis succussu promovet è ventriculo in intestina, ex intestinis sua in vasa chylum, ebulliens illud sanguinis rudimentum. Inde etiam aëris usu comprimit & pulmonum vasa & Cerebri ventriculos, sanguine utrinque expresso, è cerebri quidem ductibus in nervos, tum è dextro cordis sinu ac pulmonum vasis in sinistrum. Unde alterno motu in arterias prorumpit, ac continuo agitur materia singulis Hominis functionibus aptissima. Hæc enim si toris, cambij glutinifve modo, petinde est, aut ullâ atomorum figurâ subit, aut reparat intimos partium quarundam cuniculos: nutrit, auget, providetque generationi. Si distendit contrahitque nervulorum ac musculorum fibras, movet. Si denique in sensuum instrumentis excubat rebus externis proposita, Animam undulatâ commotiuiculâ convertit ad intelligendum. Adeoque is idem humor ingenij & vitæ parens, totum corpus universâ veluti radiatione complet ac perficit ad publicum quodque & privatum opus.

V.

NEMO igitur de vitâ ineptius disseret quàm de sphacelo, qui hunc ex intercepto sanguinis motu totuplicem consequetur, quodplex mortis genus homini impendere potest, à caloris nativi inopiâ aut oppressione profectum, modò in partem aliquam obstructione, ligaturâ, vulnere, contritione, frigore, obstupescientiumve medicamentorum usu imperviam sanguineis rivulis: modò in corpus univsum, quoties regius sanguinis fons iniquâ vacuatione exhauritur, vomitu, diarrhæa, sudore, hæmorrhagiâ. Quoties præterea ætatis morbike decursu consumitur, maligni humoris aut veneni pravitate congelat, viscerum inflammatione arefcit, aut concrefcentis polypi obice minino supprimitur. Nimirum quot sistendi sanguinis, tot perspicæ caloris nativi extinguendi modos & moriendi, non violatâ modò sed penitus abrogatâ omni functionum lege. Quid? si aortam amplissimum istum decurrentis sanguinis canalem laqueo intercludis, nonne eodem quo fauces, mortis discrimine? Si cerebellum acu tenuissimâ saucias, aut nervos

4

præcidis ab eo excurrentes ad viscera, nonne statim immobilis fiet corporis moletrina ex immoto sanguineo humore ac spiritu quo ducebatur? Qui denique si flabello queat intra mortui animalis venas aut pulmonem aliquando excitari: quâ ratione cordi partibusque motum, hâc eâdem referet brevioris forte nec dissimilioris vitæ imaginem.

Ergo à sanguinis motu vita.

Domini Doctores disputaturi.

M. Franciscus Vexou.

M. Claudius Puyton.

M. Claudius Berger.

M. Claudius Biendisant.

M. Dominicus de Farcy.

M. Henricus Mabien Chirurgia Professor.

*M. Franciscus de la Chambre.
Christianissima Regina Medicus primarius.*

*M. Alanus Lamy.
M. Claudius Quartier Decanus.*

Proponebat Parisiis PHILIPPUS TOURBIER, Peronæus
Baccalaureus Medicus. A. R. S. H. 1679.

PARISIIS,

Apud Franciscum Muguet, Regis & Illustrissimi Archiepiscopi
Parisiensis Typographum.